

# سه ره ده ریکرنا خوشتقیی دلان ﷺ

دگهل هه قژین و زاروک و کهس و کارین وی

به ره هه فکرن  
رمضان صادق رمضان



# بسم الله الرحمن الرحيم

بابهت:

سهردهريكرنا خوشتقيي دلان(ﷺ) دگهل ههقژين و زاروك و كهسوكاريڻ وى

به رههفكرن ژلايى قوتابى:

رمضان صادق رمضان

بهروار: 2021/11/5

## چەوانيا سەرەدەر يکړنا پيغەمبەري(ﷺ) دگەل هەڤزینین وی

### پيشه‌کی:

پيغەمبەر(ﷺ) پەيوەنديەکا ساخلەم و يا ئالوگورانە و گونجايی دگەل هەڤزینین خو هەبوو کو رەفتارین وی دگەل وان دبنە نمونە نە بتنی ل سەردەمی وی بەلکو ل هەمی سەردەمان.

لديف وان فەكولين و فەرموودان پيغەمبەر(ﷺ) گەلەك یی نەرم و دلوفان بوو دگەل هەڤزینین خو. ئەوان چجاران نەدشیان هزرەكەن ژیان بیی وی(ﷺ)، هەتاکو هەلبژاردن دا وان کو دنازادبن ئەگەر ژبەر بارودوخین ب زەحمەت نەشیان خو لبر بگرن داخووا بەردانی بکەن، ئەفەژی هەر ژبەر دلوفانی و باشی و ریزگرتنا وی بویه یۆ هەڤزینین وی.

پيغەمبەري(ﷺ) بیر و بوچونین وان وەردگرت لدمی بریارەك دابا و شیرەتین وان وەردگرتن.

پيغەمبەري(ﷺ) خەلك هانددا کو دگەل هەڤزینین خو دباشبن و راگەهاند باشتەین باوەردار ئەوە یی ژ هەمیان باشتەیت بۆ خیزانا خو. پيغەمبەر(ﷺ) باشتەین نمونەیه بۆ مروفاپەتی بۆ ئافاكرنا خیزانەکا بەختەوەر و پر ژ حەزژیكرنی.

هەروەکی خودی دقورئانا پیروزدا دبیزیت: لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُو اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا (21)، ئانکو: ب راستی بۆ هەو-گەلی خودان باوەردان- دگوتن و کریان و سەروبەری پيغەمبەري(ﷺ) دا چاڤلیکرنەکا باش هەبوویه هوین چاڤ لی بکەن، فیجا هوین پیگیری ب ریبازا وی بکەن، و هەما ئەو پیگیری ب سوننەتا وی دکەت یی ژ خودی و روژا دوماهیی ب هیقی بت، و گەلەك زکری خودی و داخووا گونەه ژیری ژ خودی کربت، و شوکرا وی لسه‌ر هەمی حالان کربت<sup>1</sup>.

<sup>1</sup> تەفسیرا ب ساناھی

پيغهمبر(ﷺ) نمونه‌کا ره‌وشتی یا زیندیه‌کا چه‌وا سهرده‌ری دگهل هه‌فژینین خو دکر، و وه‌ک رونا‌هی‌کا رینیشاندانی یه‌کو با‌ش‌ترین ری‌کا سهرده‌ری‌کرنی دگهل هه‌فژینین خو نیشا خه‌لکی بده‌ت. و ئەم دئ چه‌ندی‌ن نمو‌نا لقیرئ دیار‌که‌ین:

پيغهمبر(ﷺ) دهمین خو دگهل هه‌فژینین خو دبوران‌دن و ههر روژ په‌یوه‌ندی دگهل هه‌بوو:

ئبن عه‌باس فه‌دگو‌هی‌زیت: ههر جار‌ه‌کا پيغهمبر(ﷺ) نفی‌ژا سپیدی کر‌با دا مینیته‌ل وی جهی نفی‌ژ کری و دا خه‌لک ل ده‌ورو‌به‌رین وی کوم بیت هه‌تا روژ ده‌ردک‌ه‌ت پاشی ئەو(ﷺ) دا چیته‌ مالین هه‌فژینین خو ئیک ب ئیک دا سلاف‌که‌تی و دوعا بو وان که‌ت پاشی دا چیته‌ مالا وی یا دورا وی ل وی روژی.<sup>1</sup>

تیبینی بکه‌ ئەفه‌ ئیک‌ه‌م تشته‌ پيغهمبر(ﷺ) دروژا خو‌دا دکر. هه‌فژینین وی چجارا هه‌ست ب تنی‌بوونی نه‌دکر چن‌کو ئەو(ﷺ) هه‌رده‌م ل ده‌ردورین وان بوو.

عیباده‌ت‌کر‌نا پيغهمبر(ﷺ) چجارا وهل وی نه‌دکر کو هه‌فژینین خو پشت گو‌ه به‌اف‌ی‌زیت:

عائیشا -رازی‌بو‌ونا خودی لی‌بیت- دبیزیت: پيغهمبر(ﷺ) خودی(ﷺ) دو رو‌کا‌عه‌تین به‌ری نفی‌ژا سپیدی دکر‌ن، ئەگه‌ر ئەز یا هشیار‌بام دا دگهل من ئاخ‌قی‌ت و ئەگه‌ر نه‌ دا خو دری‌ژ که‌ت هه‌تا ببا وه‌ختی نفی‌ژا سپیدی.<sup>2</sup>

پيغهمبر(ﷺ) یی راست‌گو‌ بوو دگهل هه‌فژینین خو ز مافین وان دپاراستن:

پيغهمبر(ﷺ) مه‌دحین خه‌دی‌جایی -رازی‌بو‌ونا خودی لی‌بیت- دکر‌ن لده‌می ئەوا ساخ و لده‌می چوبیه به‌ر دل‌و‌قانی‌ا خودی. عائیشا -رازی‌بو‌ونا خودی لی‌بیت- دبیزیت: من هه‌سویدی ب چ هه‌فژینین پيغهمبر(ﷺ) ژبلی خه‌دی‌جایی، ههر چه‌نده‌ من نه‌دیتیه‌ بوو زی. دبیزیت: ههر دهمی پيغهمبر(ﷺ) بزنه‌ک سهر‌ژی‌ک‌ر‌با دا بی‌ژیت: بو هه‌قالین خه‌دی‌جایی زی فری‌که‌ن. روژ‌ه‌کی من گو‌تی:

<sup>1</sup> الطبرانی(5216)

<sup>2</sup> سه‌حیح بو‌خاری(1161)

ما بهس خه دیجا هه ردهم ل هزرا تهیه، پیغه مبهری (ﷺ) گوت: ئەو یا وهسا و وهسا بوو (مهتحن وئ کرن) و ئەو دهیکا زاروکین منه.<sup>1</sup>

ئبن حه جهر (زانا) دبیزیت: پیغه مبهر (ﷺ) چجارا نه دراوستیا ژ مه دکرنا خه دیجایی هه تا پشتی مرنا وئ ژی، ئەو ما راستگو پشتی مرنا وئژی و ب بهردهوامی مه دحین وئ دکرنا و بحسئ باشیین وئ دکرنا. ههمی زاروکین پیغه مبهری (ﷺ) ژ خه دیجایی بوون ژبلی ئیبراهیمی کو دهیکا وی ماریا بوو، زاروکین وی ژ خه دیجایی دو کور بوون و چوار کچ، قاسم و عبدالله، و کچی وی، زهینه ب، روقه یا، ئوم که ل سوم و فاتیمه بوون.<sup>2</sup>

پیغه مبهری (ﷺ) چ گاڤا نافئ خه دیجایی-رازیبوونا خودئ لیبت- ئینابا دا مه دحین وئ کهت: عائیشا -رازیبوونا خودئ لیبت- دبیزیت: هه ردهمی پیغه مبهری (ﷺ) نافئ خه دیجایی ئینابا دا مهتحن وئ کهت و ماندی نه دبوو ژ مهتکرنا وئ و هه ردهم داخوازا گونه ه غه فرادنی بو وئ ژ خودئ دکر.<sup>3</sup> دفی دهمیدا ئەگەر هه فژینا که سه کی بمری دئ رابیت ئیکسه ر بخو ل هه فژینه کا دی گهریت و هه ردهم مهتحن هه فژینا خویا دووئ کهت و خه له تیین هه فژینا خویا ئیکئ بو بیژیت و چجارا به حسئ باشی و قهنجیین وئ ژنی ناکهت.

دیمئ پیغه مبهری (ﷺ) گهش دبوو دهمئ تشته کی بیرا وی و خه دیجایی دئینا: عائیشا دبیزیت: جاره گئ حه لایا کچا خوهیلدی خویشکا خه دیجایی هاته دهف پیغه مبهری (ﷺ) پشتی داخوازا چوونا ژوور کری بیرا پیغه مبهری (ﷺ) ب خه دیجایی هات ژبه ر دهنگئ وئ کهیفا وی هات و رهنگئ وی فه بوو و گوت: یا خودئ حه لایی بهیله، عائیشایی گوت: من حه سیدی بر و من گوت: تو هه ردهم بحسئ فئ ژنا پیر دکه ی یا ددانین وئ کهت بوون (ژبه ر ژبه ر مه زنی عه مرئ وئ) و خودئ ژنه کا ژوئ باشتر یا ب رسقئ ته کری (مقسه دا وئ ئەو بخویه) عائیشایی گوت: رهنگئ وی هاته گوهورین هه ر وهکی عه ور ئەسمانی هه میئ دگریت و پاشی گوت: خودئ چ که سین باشت رنه ئیناینه جهئ وئ،

<sup>1</sup> سه حیح بوخاری (3818) و سه حیح موسلم (2435)

<sup>2</sup> فهتخ ئەلباری (137/7).

<sup>3</sup> ئەلته برانی (319/16)

ئەوئى باوەر ژمن كر دەمى ھەمیان باوەرى بىن نەئىناى ب ئەوا ئەز پى ھاتىم، وئ پىشتەقانىمان كر ب مالى خو دەمى خەلكى ئەز ژ مالى خو بىبەش كریم و خودى زاروك ژوى يىت داينه من. وى دەمى عائىشايى گوتى: ئەز ب وى خودى كەمە يى تو ب راستى ھنارتى ئەز بەھسى وئ ناكەم ئىلە ب باشى و مەتھىن وى بكەم.<sup>1</sup> ئبن ھەجەر دىبىرئىت: ئەفە وئ چەندى ددەتە دياركرن كو دەمى تو ھەزژ كەسەكى دكەى و ئەو كەسە ھەزژ تىشتەكى بكەت توژى دى ھەزژ وى تىشتى كەى يى بو وى گرنگ.<sup>2</sup>

**پىغەمبەرى(ﷺ) ب دلوڤانى دگەل ھەڤالين ھەڤزىنن خو دئاخفت:**

عائىشا دىبىرئىت: ژنەكا پىر ھاتە دەف پىغەمبەرى(ﷺ) لدەمى ئەو لالا من، پىغەمبەرى(ﷺ) گوتى: "تو كى؟" وئ گوت: "جەسامە ئەلموزىنى مە" پىغەمبەرى(ﷺ) گوتى: "بەلكو تو حوسانەى، تو و خەلكى خو دچەوانە، ژيان چاوايە ژ وى دەمى دوماھىك جار من تو دىتى؟" وئ گوت: ئەم دباشىن يا پىغەمبەرى خودى دەيكوبابىن من گورى تەبن! پىشتى ئەو چووى من گوتى: "يا پىغەمبەرى خودى بوجى تو دگەل فى ژنا پىر گەلەك يى دلوڤان ب ھەڤالينى بووى؟" پىغەمبەرى(ﷺ) گوت: "و عائىشا ئەوئ سەرەدانا مە دكر دەمى خەدىجا ھىشتا يا ساخ و باشبوو دگەل ھەڤالين كەفن نىشانەكە ژ ئىمانەكا باش."<sup>3</sup>

تىبىنى: ھەرچەندە ئەفە ژنەكا پىر ژى بوو بەلى پىغەمبەرى(ﷺ) نافى وئ بو ئىكى جوانتر گوھارت. جەسامە ئانكو مروفەكى بى خىرە تكو نەڤىت چ ئەركان ئەنجام بدەت، و حوسانە ئانكو باشى و جوانى. و ژ سوننەتى يە كو مروف نافەكى بگوھورىت ئەگەر رامانەكا نىگەتف ھەبىت بو رامانەكا باش و پوزەتيف.

**پىغەمبەرى(ﷺ) دودل نەدبوو ژ دياركرنا ھەزژىكرنا خو بو ھەڤزىنا خو:**

پىغەمبەرى(ﷺ) دەربارەى خەدىجايى گوت: "ھەزژىكرنا وئ ددى مندا يا ھاتىيە خودان كرن ژلايى خودايى مەزن بخوفە."<sup>4</sup>

<sup>1</sup> ئەحمەد(24343) و تەبەرانى(14/23)

<sup>2</sup> فەتھ البارى(140/7)

<sup>3</sup> ئەلبانى(216)

<sup>4</sup> سەھىح موسلم(2435)

عمرویی کورئ عاسی پسیار ژ پیغهمبه‌ری(ﷺ) کر گوتی: "ژ مروغان کی بوته ژ ههمیان خوشتقیتره؟" پیغهمبه‌ری(ﷺ) گوت: "عائیشا" و عمروی گوت: "و ژ زهلامان؟ پیغهمبه‌ری(ﷺ) گوت: بابی وی.<sup>1</sup>"

ب پیچه‌وانه‌ی ریکا پیغهمبه‌ری(ﷺ) هندەك زهلام دئ ب سالان چن بیی هه‌زیکرنا خو بو هه‌فژینا خو دیاربکه‌ن. دهربرینا هه‌زژیکرنی بو هه‌فژینا خو ئیک ژ بهیزترین راما‌نایه بو پیشیخستن و بهیزبوونا په‌یوه‌ندیا دناقبه‌را هه‌فژینان دایه و په‌یوه‌ندیا وان که‌یف خوشتر لی‌دهیت.

هه‌فژینی ژ هه‌فژینی دقیت کو هه‌ست ب هه‌زژیکرنی بکه‌ت و دهربرینا وی بکه‌ت باهرا پت‌ریا جار‌ان. ب مخابنیقه، هندەك ژن دئ په‌یوه‌ندیه‌کا دی گری‌ده‌ن و که‌سه‌کی بینن کو هندەك ئاخفتنن جوان و خشکوک بو وی بیژیت کو چجارا ژ هه‌فژینی خو گو‌ه لی‌نه‌بوییه.

به‌ری پیغهمبه‌ر(ﷺ) ژمال دهریکه‌فیت، هه‌فژینا خو ماچی دکر:

عائیشا- رازیبوونا خودئ لی‌بیت- دبیزیت: "پیغهمبه‌ر(ﷺ) دا هه‌فژینا خو ماچی که‌ت، ودا بو نقیژا ب کوم دهرکه‌فیت بیی کو دوباره ده‌ستنقیژا خو نوی که‌ت." ئە‌وا ئە‌ف ری‌وایه‌ته فه‌گو‌هاستی گوتی: "که‌سی دی نه‌وو به‌س تو بووی (کو وی ماچی دکر)،" عائیشایی کره که‌نی.<sup>2</sup>

و هه‌روه‌سا عائیشا دبیزیت: ئە‌وی(ﷺ) ماچی دکره هه‌فژینن خو دهمی ئە‌وی ب روزی، و ئە‌وی پتری هه‌می که‌سان کونترولا هه‌زین خو دکر.<sup>3</sup>

پیغهمبه‌ری(ﷺ) پشتی هه‌فژینا خو فه‌خوارن فه‌دخوار، زوی ره‌خی فه‌دخوار یی عائیشایی ژئ فه‌خواری:

عائیشا دبیزیت: "من فه‌خوارن فه‌دخوار لده‌می ئە‌ز دبی نقیژی‌یدا و دا تراری دهمه‌ف پیغهمبه‌ری(ﷺ) دا ده‌فی خو به‌ته وی جهی ئە‌وی من ژئ فه‌خواری و دا فه‌خوت."<sup>4</sup>

<sup>1</sup> سه‌حیح بوخاری(3662)

<sup>2</sup> الترمذی(79) ، أبو داود(178)

<sup>3</sup> سه‌حیح بوخاری(1927) ، سه‌حیح موسلم(1106)

<sup>4</sup> سه‌حیح موسلم(300)

هەر دەمى كەسەكى پېغەمبەر(ﷺ) داخواز كىرنا نانخوارنى ھەڧزىنا خوژى دگەل خۇ دېر:

ئەنەس ڧەدگوهىزىت: "پېغەمبەرى(ﷺ) جىرانەكى ڧارس ھەبوو، ئەو يى شاردزا بوو د چىكرنا شورباندا، ئەوى شوربەك بۇ پېغەمبەرى(ﷺ) دروستكر و داخوازكر بهىت بخوت، پېغەمبەرى(ﷺ) گوت: "ئەڧە عائىشا ژىكە، ئەوژى يا داخوازكرىيە؟ جىرانى وى گوت: "نەخىر"، پاشى پېغەمبەرى(ﷺ) داخوازا وى رەتكر، دووبارە جىرانى وى داخواز ژىكر، پېغەمبەرى(ﷺ) دىسا گوت: "ئەڧە عائىشا ژىكە، ئەوژى يا داخوازكرىيە؟ جىرانى وى گوت: "نەخىر"، دووبارە پېغەمبەرى(ﷺ) داخوازا وى رەتكر، جىرانى وى سى بارە زڧرى داخواز ژىكر، پېغەمبەرى(ﷺ) دىسا گوت: "ئەڧەژى(بەحس عائىشايى) يا داخوازكرىيە؟ جىرانى وى رازى بوو، ھەردوو پىڭڧە خو ئامادەكر بۇ نانخوارنى."<sup>1</sup>

پېغەمبەر(ﷺ) ب ژيانەكا گونجاي دگەل ھەڧزىنن خۇ دژيا:

پېغەمبەرى(ﷺ) بشپوهكى پراكتىكى گوتنا خودى بجھ دئيا دەمى گوتى: وَعَاشِرُوهُنَّ بِالْمَعْرُوفِ ۚ ئانكو: و ھەڧالىنيا ھەو دگەل ژنن ھەو بلا يا ب قەدرگرتن و ب ڧيان بىت.<sup>2</sup>

پشتى ڧى چەندى جھى مەندەھوشىيى نىنە دەمى پېغەمبەرى(ﷺ) دەر بارە ھەڧزىنن خۇ گوتى: ئەوى ئىمانا وى ژ ھەميا باشتەر دناڧ باو ھەردارادا ئەو ھەميا رەوشتى وى ژ ھەميا باشتىت، و باشتىن كەس دناڧ ھەو ھەو ئەو ھەميا باشتەر رەڧتارى دگەل ھەڧزىنن خۇ دكەت.<sup>3</sup>

پېغەمبەرى(ﷺ) چچارا دەستى خو بۇ ھەڧزىنن خۇ نەراكرىيە و چچارا لومە ژىنەكرىنە:

ئىاسى كورى عبدالله ڧەدگوهىزىت: "پېغەمبەرى(ﷺ) گوت: "ئافرەتان نە قوتن" دەمى عومەرى كورى خەتابى ھاتىيە دەڧ پېغەمبەرى(ﷺ) و گازندەكرىن گوت: "ژن گەلەك يىن چاڧ نەترس بوين بۇ زەلامىن خۇ" پېغەمبەرى(ﷺ) رىك دايى ب سڧكى ب قوتن. پاشى گەلەك ژن چونە دەڧ ھەڧزىنن پېغەمبەرى(ﷺ) گازندە ژ زەلامىن خۇ كرن(كو وان دقوتن)، پېغەمبەرى(ﷺ) گوتى: "گەلەك ژن يىن

<sup>1</sup> سەھىح مۇسلىم (2037)

<sup>2</sup> تەڧسىرا ب ساناھى

<sup>3</sup> الترمذى (1082)



هاتینه دهف ههڤژینین موحه‌مه‌دی و گازنده یین ژ ههڤژینین خو کرین. ئه‌وین ئه‌ڤ کاره

کرین(ئه‌وین ههڤژینین خو قوتاین) ئه‌و نه چاکترین مروفن.<sup>1</sup>

**پێغه‌مبه‌ری(ﷺ) تێبینیا هه‌ستین هه‌ڤژینین خو دکر:**

پێغه‌مبه‌ری(ﷺ) تێبینیا هندێ دکر دهمی هه‌ڤژینین وی دکه‌یفخوش بان یان د خه‌مگین بان ژ وی بو

نمونه پێغه‌مبه‌ری(ﷺ) گوته عائیشای: "ئه‌ز باش دزانم دهمی تو یا دلخوش دگهل من و لدهمی تو یا

بیزار ژمن." عائیشای گوته: "تو چاوا دزانی؟" پێغه‌مبه‌ری(ﷺ) گوته: "دهمی تو یا دلخوش دگهلن

تو سویند دخوی و دبێژی، ئه‌ز ب خودایی موحه‌مه‌دی سویند دخوم، ودهمی تو یا ژمن بیزار تو

دبێژی ئه‌ز ب خودایی ئیبراهیمی سویند دخوم. عائیشای گوته: "تو راست دبێژی یا پێغه‌مبه‌ری

خودی، ئه‌ز دئ هه‌می تشتا هیلم نفی ته نه‌بیت."<sup>2</sup>

**پێغه‌مبه‌ری(ﷺ) روقیا شهرعی ب وانقه دخواند، دهمی ئه‌و دنه‌خوش:**

عائیشا فه‌دگوه‌یزیت: " پێغه‌مبه‌ر(ﷺ) دا سه‌رده‌انا هه‌ڤژینین خو که‌ت دهمی ئه‌و دنه‌خوش، و دا

دهستی خویی راستی دانیه‌ سه‌ر سه‌ری و دا روقیایی پێقه‌ خوینیت، پێغه‌مبه‌ری(ﷺ) دا بی‌یزیت:

" اللَّهُمَّ رَبَّ النَّاسِ أَذْهَبِ الْبَاسَ، اشْفِهِ وَأَنْتَ الشَّافِي، لَا شِفَاءَ إِلَّا شِفَاؤُكَ، شِفَاءٌ لَا يُعَادِرُ سَقَمًا " ئانکو: یا

خودی، یا خودایی مروفان، تو فی نه‌خوشیی لدهف وان راکه‌ی و چاره‌سه‌ر که‌ی، و تو باشترین

چاره‌سه‌ر که‌ری. چ چاره‌سه‌ری نینن ژبلی یاته، کو چ نه‌خوشیان نا‌هیلیته‌ لپشت خو.<sup>3</sup>

ئه‌و راستیا کو دهستی خو ددانیه‌ له‌سه‌ر سه‌ری هه‌ڤژینا خو ئه‌وه ئه‌گه‌ر ئیشان هه‌ر مابیت ژی، دی

هه‌ڤژینا وی هه‌ست پیکه‌ت کو هه‌ڤژینی وی یی گرنگیی پیدده‌ت، و هه‌روه‌کی هه‌ست ب ئیشان و

نازارین وی دکه‌ت.

<sup>1</sup> ئه‌بو داود(2146)

<sup>2</sup> سه‌حیح بوخاری(5228)، سه‌حیح موسلم(2439)

<sup>3</sup> سه‌حیح بوخاری(5743)، سه‌حیح موسلم(2191)

پيښه مبهري (ﷺ) يې ئارام بوو دهمې ههڅرېنا وي رهفتار هكا نه گونجاي دگهل كړبا:

نوعمانې كورې به شيرې ډه دگوهيڅرېت: " جاره كې ئه بوبه كر هاته مالا پيښه مبهري (ﷺ) و ديت عائيشا يا دهنكي خو ل پيښه مبهري (ﷺ) بلند دكهت، ئه بوبه كرى پالهك ليډا و گوتې: "چاوا تو دويړى دهنكي خو لسهر پيښه مبهري (ﷺ) بلند بكهى؟"، فيجا پيښه مبهري (ﷺ) چوو دناقبه را واندا (داكو وي پاريڅرېت). پشتي ئه بوبه كر چووي، پيښه مبهري (ﷺ) گوته وي (داكو وي ئارام بكهت و كهيفخوش بكهت پشتي وي چه ندا دگهل بابې وي چيېووي): "ماته نه ديت چاوا من تو پاراستي و ئه ز هاتمه دناقبه را ودها؟". پشتي چه نده كې ئه بوبه كر زڅرى ډه و ديت ئه وي دگهل زى دكهته كهنى و گوته پيښه مبهري (ﷺ): من بكه نه د نافي ئاشبوونا خودا كا چاوا ئه ز پارچهك بووم ژ شهرى هه وه.<sup>1</sup> ئانكو من بكه نه پارچهك ژ كهيفخوشيا خو كا چهوا ئه ز پارچهك بووم لدهمې وه كيښه هه ي.

پيښه مبهري (ﷺ) هاريكاريا ههڅرېنيځ خو دكر د كاروبار پيښه مالهډا:

ئه لئه سوه دى كورې يه زيدى دبيڅرېت: "من پسار ژ عائيشايى كر: " پيښه مبهري (ﷺ) دناډ مالهډا چدكر؟ ئه وي گوت: "وي خو مژويل دكر ب هاريكاريا دگهل ههڅرېنيځ خو د شولپن نافي مالهډا، و دهمې ببا دهمې نقيڅرې دا رابيت و چيته نقيڅرې.<sup>2</sup>

"د ريوايه ته كا ديدا هاتيبه كو پيښه مبهري (ﷺ) جلكين خو پاڅر دكرن و پيلاډين خو چيدكر، شير ددوشت و وي بخو خزمهت خو دكر.<sup>3</sup>

ددهمې نوكه دا گه لهك زهلام هه نه گه لهك ئه رك ئيڅستينه سهر ههڅرېنيځ خو كو ئه وه نه شين خو لهر بگرن. ئه وي دى وي بينيت ئه وي يا ماندى يه يان يا نه خوشه و دى ئه وي ب بهروفاڅرى رهفتارى دگهل كهت و هه تا دهستى خوڅى بو دريڅر ناكهت. چ پيښه فيت ئه ډه نه ئه و تشته يى خودى ډه رمان بمه كرى كو سهرده رپى دگهل ههڅرېنيځ خو بكهين، نه زى ئه ډه دويځكه تنه سونه تا پيښه مبهري خوشتقى يه (ﷺ).

<sup>1</sup> نه حمه د (17929)

<sup>2</sup> ډه تېح ئه لبارى (291/9)

<sup>3</sup> سه حېج بوخارى (541)

پيغهمبهرى(ﷺ) گەلەك يى ھوشيار بوو ژ بېھنا نەخوش و پاکی و پاڤزیاخۆ؛

پيغهمبهر(ﷺ) دا سیواکی بکارئینیت بو پاڤزکرن ددانین خو ډاکو هەردەمى چوبا مال بېھنا نەخوش ژ دەڤى وی نەهاتبا. میقدامى کورى شورىچی فەدگوھیزیت: " من پسار ژ عائیشایى کر: " ئیکەم کارى پيغهمبهرى(ﷺ) دکر دەمى دھاته دمالشە؟ عائیشایى گوت: "ددانین خو پاڤزکرن ب سیواکی."1

ژيانا پيغهمبهرى(ﷺ) يا خيزانى يا گريډاي بوو ب پرهنسيپين ئيسلامى و ئەوى دناڤ ژياناخۆدا جيبهجي دکر و ئاموزگاريا ئومەتى دکر ئەوژى وهبکەن. هەڤژينيا وی يا پر بوو ژ بارودوخان کو ببنه چاڤليکرن بو هەر موسلمانەکی. لدمى هەڤژينيا دگەل خەديجايى و هەڤژينين وی يين دى ئەڤه هەمىي نياشمەدەت کو دڤيت دگەل هەر کەسەکی ئەم رەفتارەکا جودا و جوان دگەل بکەين. و هەر وەسا پيغهمبهرى(ﷺ) ب دلسوزى و ب ڤيا هەمى مافين وان دپاراستن و مافين وان ددایى. و وردبينينا مافين هەڤژينان ژ پرهنسيپين قورئانى يە دەمى خودى دبیژیت: "وَلَهُنَّ مِثْلُ الَّذِي عَلَيْهِنَّ بِالْمَعْرُوفِ" ئانکو: "ژنان ماف لىسر ميران هەيه، وهکی ميران ماف لىسر ژنان هەي، ب رەنگەکی چاک."2

هەر وەسا هەژژيکرن و ريژگرتنا دناڤهرا هەڤژيناندا کەيفخوشيى و ئارامىي دئينيته دناڤ ژيانا خيزانيدا، کو دچەندين فەرموودەيپن پيغهمبهرى(ﷺ) دياربووی و نمونا راستەڤينه ئەڤهبوو کو پيغهمبهرى(ﷺ) گوت: "باشترینى وه ئەوه يى ژ هەميان باشتەر بو هەڤژينين خو."3

<sup>1</sup> سەحيح موسلم(253)

<sup>2</sup> تەڤسيرا ب ساناهى

<sup>3</sup> الترمذي(1082)

## سەرەدەریکەرنا پېغەمبەرى(ﷺ) دگەل زاروکیڭ وی

پېغەمبەر(ﷺ) باشتین کەس بوو بۆ مالا خو و یی گریڭدای بوو ب هاریکەرنا مالا خو ب دلوفانی. ئەفە ب رونی دهیته دیتن ب وی شیوئ سەرەدەری دگەل زاروکیڭ خو دکر و گرنکی پیددا و باشتین ژیان بۆ وان دابین دکر ب باشتین شیو. پەیهەندیا پېغەمبەری(ﷺ) دگەل زاروکیڭ زاروکیڭ دەوروبەرین وی یا گریڭدای بوو ب میهرەبانی، رەحمی فە و گرنکیپیدانی. پېغەمبەری(ﷺ) زاروکیڭ خو و نهفیین خو مەزەندکر ب پرهەنسیپین ئیسلامی و یی بەرەدەوام بوو ب ئاگەهداری وان بوو خو پشتی وان هەفزیڭی ژى پیک دنینا. پېغەمبەری(ﷺ) گرنکی ب پیدفیین وان یین مادی بتنی نەددا بەلکو گرنکی ب پیدفیین وان یین روحی ژى ددا. پېغەمبەری(ﷺ) چجارا جوداهی دناقبەرا زاروکیڭ خو زاروکیڭ کومەلگەهئ بگشتی نەکریه بەلکو ب ئیک سەرەدەری، سەرەدەری دگەل هەمیان کریه و هەمان حەزژیکر و سەرەنج داینه وان. نوکە زانایین دەرووناسی وان پرهەنسیپان بکاردئینن یین پېغەمبەری(ﷺ) کارئینان ب سەرەدەریکەرنا دگەل زاروکان. و ئەفە وئ ددەتە دیارکر نەو پرهەنسیپین پېغەمبەر(ﷺ) لدویف دجووی بۆ هەمی دەمان دگونجایی نە و نمونین پېغەمبەری(ﷺ) باشتین نمونەنە بۆ سەرەدەریکەرنا بچوکتین ئەندامین حفاکی کو دبنە روناھیهکا بەرچاڤ بۆ هەمی حفاکی.

پېغەمبەری(ﷺ) باشتین ناف بۆ وان دەهەلبزارت دگەل رامانەکا جوان:

ئەگەر تو بەری خو بەدیە نافین زاروکیڭ پېغەمبەری دئ بومە دیاربیت کو هەمی نافین جوانن. پېغەمبەری(ﷺ) هاندانا خەلکی دکر کو جوانترین ناف بۆ زاروکیڭ خو بدانن دگەل جوانترین رامانی و هەر دەما پېغەمبەری(ﷺ) نافەك دیتبا ب رامانەکا خراب یان کریت دا گوهوریت بۆ رامانەکا جوان.

پېغەمبەری(ﷺ) نافئ زاروکیڭ خو ددانا لدەمی ئەو ژدایک دبوون:

ئەنەسئ کورئ مالکی فەگوھیزیت کو پېغەمبەری(ﷺ) گوت: "ئەفرو کورئ من یی بووی و ئەز دئ وی بناف کەم ب نافئ بابئ خو ئیبراھیمی."<sup>1</sup>

<sup>1</sup> سەحیح موسلم(2315)

پيغهمبهرى(ﷺ) باشتريڻ ههڻيڻ بۇ كچين خو دههلبزارتن:

پيغهمبهرى(ﷺ) كچا خو زهينهب دابوو ئهبو عاسى كورى رهبيعى ژ ئويجاغا قورهيشيان كو كورى خالهتا وي ههلايا كچا خوهيلدى بوو. ئهبو عاس دناڤ مهككههيڊا ب سامان و كارى خو هاتبوو نياسين و كهسهك بوو يى جهى باوهريى بوو.

پيغهمبهرى(ﷺ) كچا خو روقهيا دابوو عوسمانى كورى عهفانى كو ئيك ژوان كهسايهتيان دهاته نياسين كوى ئ شهرمين بوو. و پيغهمبهرى(ﷺ) گهلهك ههزژيدكر، ريزليدگرت و ئيك ژوان كهسان بوو يى مزگينيا بجهشتى بوو هاتى. لدهمى روقهيا مري پيغهمبهرى(ﷺ) كچا خو ئوم كهلسوم دايى و ناسناقى وي بو (ذو النورين).

و پيغهمبهرى(ﷺ) كچا خو فاتيما دا بوو پسمامى خو عهليى كورى ئهبو تالبى كو ئيكهم زاروك بوو موسلمان بووى، و عهلى لالا پيغهمبهرى(ﷺ) يى مهزن بووى بهرى ئيسلامى و دگهل وي يى ماي ههتاكو پيغهمبهراتيا وي. پيغهمبهرى(ﷺ) ههز ژ وي دكر و مزگينيا بجهشتى دابوويى.

پيغهمبهرى(ﷺ) بوچونا كچين خو وهردگرت بۇ ههڻيڻي:

عهتائى كورى رهباحى دبيريت: لدهمى عهلى چويه داخازا فاتيمايى، پيغهمبهر(ﷺ) چوو دهف فاتيمايى و گوتى: "عهلى يى هاتى تهبخازيت." <sup>1</sup> ئهو ما بى دهنك، فيجا پيغهمبهرى(ﷺ) كچا خو دا عهلى.

پيغهمبهرى(ﷺ) ديت كو بيدهنگيا وي نيشانا رازيبوونى يه لهوما كچا خو دا وي. پيغهمبهر(ﷺ) دبيريت: "كچا خو نهدهنه شوى ههتا كو هوين رازمههنديا وي وهربگرن." "پسيار ژيكر: چاوا دى رازمههنديا وي وهرگرين؟ پيغهمبهرى(ﷺ) گوت: "ب بيدهنگيا وي." <sup>2</sup>

<sup>1</sup> ژ كتيب الطباقات يا ثبن سهعهدى(20/8)

<sup>2</sup> سهحيح بوخارى(5136) و سهحيح موسلم(1419)

پيغهمبهري(ﷺ) زېده پروي(مبالغه) د مهرا كچين خدا نه كړيپه:

پيغهمبهري(ﷺ) كچين خو يين دايڼه شوى ب مهردكا گه لهك بچويك. ټبن عه باس فه دگوهيزيت كو  
عهلين كورئ نه بو تالبي گوت: "من فاتيما بخو ئينا و پيغهمبهري(ﷺ) گوت: "تشته كي بدئ وهك  
مههر" من گوتئ: من چ نينه. پيغهمبهري(ﷺ) گوتئ: كانئ قه لغانئ(درع) ئ ته يئ حوته يميپه يئ؟ من  
گوتئ: يئ دگهل من، وي گوته من بده وي.<sup>1</sup>

نافئ قه لغانئ(درع) حوتامه بو دهمئ شهرئ حوتامئ دزقريت. قه لغانه كي ساده بو مهرا كچا  
پيغهمبهري(ﷺ) كو بچوكترين كچا وي بوو، و سهر كرده يا ژنانه ل بجه شتئ.

پيغهمبهري(ﷺ) گرنگي ب كچين خو ددا هه تاكو پشتي شوپكرنئ زئ:

پيغهمبهري(ﷺ) نه بتنئ گرنگي ب كچين خو ددا دهمئ د مالا ويدا بهلكو دهمئ وان شوى كرى زئ  
هر گرنگي پيدا، چ تشتي نهو ژ چاقديريا وان دويرنه دكر، نهوى هزرا وان دكر ددهمين خويين  
نه خوش و ب زدهمته ژيدا. دهمئ پيغهمبهري(ﷺ) دفيا ب دهر كهفيت بو شهرئ بهدرئ دگهل  
قوره شيان كچاو ي روقه يا نه خوش بوو. پيغهمبهري(ﷺ) فهران ل هه فزئينئ وي عوسمانى كر كو  
لدهف وي بمينيت ل مهدينئ و چاقديريا وي بكهت. و پيغهمبهري(ﷺ) مزگينى دا وي كو ويژى هه مان  
نه جري هه ل ناخره تي وهكى وان يين چوپينه جيهادئ.<sup>2</sup>

پيغهمبهري(ﷺ) مايئ خو دشهره دهفئ بچويك يئ دنافبهرا كچا خو و هه فزئينئ خدا نه دكر:

سه هلى كورئ سه عه دى فه دگوهيزيت جاره كي پيغهمبهري(ﷺ) چوو مالا فاتيمايئ و عهلين كورئ نه بو  
تالبي نه ديت پيغهمبهري(ﷺ) گوتئ: "كا پسماي ته؟" فه تيمايئ گوت: شهره دهقهك دنافبهرا مه دا  
رويدا و نهو توره بوو و ژمال دهر كهفت، و نهوى خهوا خويا نيقر و مال نه كر، پيغهمبهري(ﷺ) گوته  
كه سه كي ههره لي بگهره، نهو زه لامه چوو و پشتي چه نده كي زفري گوت: "نهو يئ ل مزگهفتئ فه

<sup>1</sup> نه بو داود(2125)

<sup>2</sup> سه حيج بوخارى(3130)

نقستی یه " پیغمبر (ﷺ) چوو ددهف لدهمی ئهو لسهر رهخی خوئی دریژ کرییه و هندهك ئاخ یا ئهردی یا مایه ب ویشه. پیغمبری (ﷺ) ئهو ئاخ ژ وی داقوتا و گوتی: "رابهفه ئهبو توراب"<sup>1</sup>.

ئهگهر کچهکا وی سهرهدانا وی کربا، ئهو (ﷺ) دا بخیرهاتنا وی کهت و دا قهدری وی گریته:

عائیشا دبیزیت: "دهما فاتیمایی سهرهدانا پیغمبر (ﷺ) دکر دا پیغمبر (ﷺ) پیشفه رابیته فه و دا ماچی کهت و دا روینته خواری ل جهی وی. و دهما پیغمبر (ﷺ) سهرهدانا وی کربا، ئهو دا ژ پیشفه رابیتهفه و دا وی ماچی کهت و ل وی جهی روینته خواری ئهو لی روینستی."<sup>3</sup>

ههر عائیشا دبیزیت: روزهکی فاتیمه هات، و ئهو وهکی پیغمبر (ﷺ) ب ریقه دچوو، پیغمبر (ﷺ) گوتی: "بخیرهاتی کچامن" و پاشی ئهو دانا لایی خوئی چهپی یان راستی."<sup>4</sup>

پیغمبر (ﷺ) داخواز ژیدکر نفیزین شهفی بکهتن:

عهلیی گوری ئه بوتالی دبیزیت: پیغمبر (ﷺ) شهفهکی هاته دهفمن و فاتیمایی و وی (ﷺ) پسیار ژمه کر: "ما هوین ههردوو نفیزئی ناکهن (یین شهفی)" عهلی بهرسقدا: یا پیغمبر (ﷺ) خودی روحین مه یین ددهستی خودی دا، ئهگهر وی قیا مه ژ خهو راکهت ئهو دی وهکهت" پیغمبر (ﷺ) دهرکهفت دهمی من وهگوتی بیی بهرسقامن بدهت. پاشی من هاش وی ههبوو دهمی چووی شهقهك ل رانی خودا و ئهف ئایهته گوت: كَانَ الْإِنْسَانُ أَكْثَرَ شَيْءٍ جَدَلًا (54: سورة الكهف)<sup>5</sup> ئانکو: و مروف ژ ههمی چیکرییان یی جرکهکش و ههفرکه.<sup>6</sup>

<sup>1</sup> ئهفه لهقهبی عهلی بووک و ب رامانا بابی ئاخى دهیت.

<sup>2</sup> سهحیح بوخاری (441) و سهحیح موسلم (2409)

<sup>3</sup> ئهبو داود (5217)

<sup>4</sup> سهحیح بوخاری (3624) و سهحیح موسلم (2450)

<sup>5</sup> سهحیح بوخاری (1127) و سهحیح موسلم (775)

<sup>6</sup> تهفسیر ا ب ساناھی

پيغهمبهري(ﷺ) ههولدا وان خه مگين نه که تن:

عائيشا ديبژيت: "روژهکي فاتيما هات و ريفه چوونا وي وهکي يا پيغهمبهري(ﷺ) بوو، پيغهمبهري(ﷺ) گوتي: "بخيرهاتي کچامن". پاشي پيغهمبهري(ﷺ) دانا ب رهخ خوڤه و لبن گوهي وي تشتهک گوتي فاتيمايي کره گري و پاشي پيغهمبهري(ﷺ) لبن گوهي وي تشتهک گوتي نهو گر نژي. عائيشا تمام دکهت " من چجارا که يه خوشيا پшти خه مگيني نه ديتيه. من پسپار ژوي کر کا وي(ﷺ) چگوت فاتيمايي گوت: نهز نه شي نه هينا پيغهمبهري خودي ناسکهره بکهه. پшти پيغهمبهري(ﷺ) چويه بهر دلو فانيا خودي من جاره کادي پسپار ژيکر، وي گوت: "لده سپيکي وي گوت: "جبريل هه ردهم سالي جارهکي قورئان دگهل من دخواند، و وي دوو جارا دگهل من خواند دقي ساليډا. نهز بيژم نهفه رامانا هندی ددهت ده مي من يي نيزيک بووي، و تو دي نيکهه کهس بي ژ خيزانا من دويف مندا بهيي(پشتي مرنا من تو دي نيکهه کهس بي ژ خيزانا من بمری). " ده مي من کريه گري، پيغهمبهري(ﷺ) لبن گوهي من گوت: نهري ماتو نهيا رازي بيهه سه رکردهيا زنان ل بجهشتي يان يا باوهر دارا. " نهز گر نژيم ده مي نهفه چهنده گوتي.<sup>1</sup>

---

<sup>1</sup> سه حیح بوخاری (2624)



## سەرەدمەریکەرنا پېغەمبەرى(ﷺ) دگەل نەفیین وی

### پېشەکی:

حەزەزیکەرنا راستەقینە و یا گەرم و گۆر ئەوە یا لدەورو بەرین خیزانی دەیت کو یا پیکهاتی بیت ژ کەیفخوشیی و سەرکەفتەن و هاریکاری و دەریخستنا نەو دیەکی راست کو بهیتە مەزنگرن ب باشترین رەوشت و کەسایەتی. نەفیین پېغەمبەرى(ﷺ) ب فی شیویدی جوان و دلخوش دژیان، ئەو لدویف وی دچون یا باپیری وان لدویف دچوو و باپیری وان ئەو ب باشی پەرودە کربوون و کاریگەری ل کەسایەتیا وان کربوو ب گوتن و کاریارین خو. پېغەمبەرى(ﷺ) حەفت نەفی هەبوون ژوان: حوسەینی کوری عەلیی کوری ئەبو تالبی، حەسەنی کوری عەلی، ئوم کەلسوما کچا عەلی، زەینەبا کچا عەلی، عەبدولاهی کوری عوسمانی کوری عەفانی، ئوماما کچا عاصی و عەلیی کوری عاصی.

### پېغەمبەرى(ﷺ) تەحنیک بو وان دکر:

عائیشا هەقزینا پېغەمبەرى(ﷺ) دبیژیت: "خەلک دا زاروکیڭن خو ئینە دەف پېغەمبەرى(ﷺ)، قیجا دا پېغەمبەر(ﷺ) داخواز ژ خودی کەت بەرەکەتی بیخیتی و دا تەحنیکی بو کەت."<sup>1</sup>

ئیمامی نەو دەوی دبیژیت: تەحنیک رامانا وی ئەو دەی قەسپی یان تەشتەکی وەکی وی شرین دی جوین و پاشی دی لدەفی زاروکی دەن، ئەگەر نە قەسپ ژ بیت چنینه بەس یا باشتر ئەو قەسپ بیت، چنکو ئەف شرینیە گەلەک یا ب مفایە بو زاروکی."<sup>2</sup>

ئیک ژ نەفیین وی دەستئاڤا خویا زراف کرە ناڤ دەمەنا پېغەمبەرى(ﷺ) و ئەوی خو تورە نەکر:

لوبابەیا کچاچ ارسى دبیژیت: "حەسەنی کوری عەلی یی روینشتی بوو د کوشا پېغەمبەرى(ﷺ) دا و پاشی دەستنقیژا خو یا زراف بەردا. ئەوی گوتە پېغەمبەرى(ﷺ): جلیکن خو بگوهورە و فان جلیکن خو بدەفمن دا بوته بشوم." پېغەمبەرى(ﷺ) گوت: "بتنی دەست ئاڤا زاروکا کچ دفت بەیتە شویشن، بەلی بو یا زاروکی کور بتنی دی ئافی ل وی جهی کە یی پیس بووی."<sup>3</sup>

<sup>1</sup> بوخاری(6355)

<sup>2</sup> شولفەکرنا نەو دەوی لسمەر پەرتوکا مسولی(124/14)

<sup>3</sup> ئەبو داود(375)

پيښه مبهري (ﷺ) نه فيښ خو دگهل خو دبرنه مزگهفتي:

ئەبو بەرەكە دبیژیت: من پیغه مبهري (ﷺ) دیت یل لسهري مینهري و نه فيي وي حهسهن یی ب رخ ویشه و پیغه مبهري (ﷺ) جارهکی سه حدکره خه لکی و جارهکی سحدکره حهسهنی و پاشی پیغه مبهري (ﷺ) گوت: "ئەف کوری من سه رکردهیه و خودی دی دوو گروپین مهزن یین موسلمانان پیک ئینیت ژبه ر وی."<sup>1</sup>

پيښه مبهري (ﷺ) دنفيژیدا ئەو هه لدگرتن:

ئەبو قه تاته یی ئەنساری دبیژیت: "من پیغه مبهري (ﷺ) دیت نفیژدکر و نه فيا وي ئومامه کچا عاصی لسهر ملیت وي بوو، لدهمی پیغه مبهري (ﷺ) دچوو سوجدیهی ئەو ددانا ئهردی و لدهما رادبوو ژ سوجدیهی ئەو زی بلند دکر."<sup>2</sup>

پيښه مبهري (ﷺ) گه لهك هه زژ وان دکر:

ئەبو هورهیره بیژیت: ئەز دگهل پیغه مبهري (ﷺ) چووم و ئەم ب دریژیا روژی دبیدهنگ بوین پاش ئەو چوو دکاناکه کی ل مه دینن پاشی دهرکەت، پاشی چوو مالا فاتیمایی و گوت: ئهري حهسهن لقيري یه؟ پاش حهسهن دهرکەت و وی و پیغه مبهري (ﷺ) ئیکودو هه مبیژکر و پیغه مبهري (ﷺ) گوت: یا خودی ئەز هه ز ژیدکه م، توژی هه ز ژیبکه و هه ز ژ هه ر کهسه کی بکه یی هه ز ژ وی بکهت."<sup>3</sup> ئەبو هورهیره گوت چ کهس خوشتفیر بومن لینه هاتن ژ حهسهن کوری عه لی پشتی پیغه مبهري (ﷺ) ئەف گوتنه گوتی.

پيښه مبهري (ﷺ) ئەو ماچی دکر و ئەو هه لدگرتن:

ئەبو هورهیره دبیژیت: "پیغه مبهري (ﷺ) حهسهن کوری عه لی ماچی کر لدهمی ئەقره عی کوری حابس ئەلته میمی ل ویري، ئەقره عی گوتی: "من دهه زاروک یین ههین، و من چ ژوان ههتا نوکه ماچی نه کرینه." پیغه مبهري (ﷺ) گوت: هه ر کهسی بدلوفان نه بیت دگهل کهسین دی، دلوفانی پی

<sup>1</sup> سه حیح بوخاری (2704)

<sup>2</sup> سه حیح بوخاری (516)

<sup>3</sup> سه حیح بوخاری (5884) و سه حیح موسلم (2421)

ناهيته بره.<sup>1</sup> ئەف بەرسقدانە ھندى دياردكەت ماچى كرنا زاروكان ژلايى دھيكوبابان قە نيشانا دلوفانيى يە ھەروەسا ھەمبىزكرن و گرنژين ژى.

**پيغەمبەرى(ﷺ) ئەو ددانانە سەر پشتا خو:**

ئەبو ھورەيرە دىيژيت: "پيغەمبەر(ﷺ) ھات و ھەردوو نەفييىن خو ھەسەن و ھسيىن ھەلگرتن و ھەر ئىك ژوتن دانا سەر ملەكى خو و ئەو ماچى كر، لدەمى پيغەمبەر(ﷺ) گەھشتيىە خەلكى زەلامەكى گوتى: "يا پيغەمبەرى خودى تو ھە ز ژوان دكەى!" پيغەمبەرى(ﷺ) گوتى: ھەر كەسى ھەز ژوان بكەت، ئەو ھەز ژمن دكەت و ھەر كەسى كەرب ژ وان قەدبىت وى كەرب ژمن قەدبن.<sup>2</sup>

**پيغەمبەرى(ﷺ) ئەو ژ بچىكاتى يپن مەزىنكرين دا كو ژ تىشتين ھەرام و نەدروست دوپرکەت:**

ئەبو ھورەيرە دىيژيت: ھەسەنى كورى ەلى قەسپەك ژ چەند قەسپين خيىرخوازيى راکر و کرە ددەفى خودا، دەمى پيغەمبەرى(ﷺ) ديتى ئەف دەنگە کر: كخە كخە "داكو ژدەفى خو بينيتەدەر پاشى پيغەمبەرى(ﷺ) گوتى: ما تو نزانى ئەم تىشتا ژ سەدەفى ناخوين.<sup>3</sup>

مەدیت كا چەوا پيغەمبەرى(ﷺ) كا چەوا سەرەدەرى دگەل زاروك و نەفييىن خودكر ب ريکەكا ب ميهرەبانى و چجارا ئەو پشتگوھ نەھافييتينه ژ ريكا راست و كرنا كاريىن چاك، و ھەردەم ھەز ژوان كرىيە و ب نەرماتى سەرەدەرى دگەل كرىيە. پيغەمبەرى چجارا ريك نەدايە وان ئەو ئاينى خو پشتگوھ ب ھافيژن و ئارمانجا وى يا سەرەكى ئەو بوو كو وان ئامادە بكەت بو ئاخەرەتى.

<sup>1</sup> سەھىح بوخارى(5484) و سەھىح موسلم(2421)

<sup>2</sup> ئبن ماجە(143)

<sup>3</sup> سەھىح موسلم(1069)

## سهردمريکړنا پيځه مبهري(ﷺ) دگهل که سوکارپن وی يپن نيژیک

پيشه کی:

پيځه مبهري(ﷺ) باشتړين و روی خوشترين کهس بوو، بو که سوکارپن خو دناف هه می مرو فانددا. کو که سپن نيژیکي وی شاهدپن وی بوون کو دهمی وده سفا وی(ﷺ) دکرن دگوتن: "کو گوهدارترین مرو ف بوو و ژ باشتړين که سان بوو".

خيزان و که سوکار نهون يپن نيکسهر ب هه می ريکان ژينگه هی دخه ملينن، د جفاکی بهری ئيسلامی دا گرنګيه کا تايبه ت هه بوو. پيځه مبهري(ﷺ) خيزان، که سوکار و هه فالپن خو يپن نيژیک فيردکر نه هندى کو پابه ند بن ب نازادی، راستی و دادپه روه ريی. پيځه مبهري(ﷺ) نه هيا هه ر که سه کی يا ژ هندى کړی کو که سه کی ژ يی باشتړ بدانيت لسه ر بنه مايی عه شيره تى يان رهنګى وی يی پيستی. پيځه مبهري(ﷺ) جفاک وده سا ئافا کربوو کو لسه ر بنه مايی نيک خودا و نيک ئاين کو يا دويربيت ژ عه شيره تى يان رهنګى پيستی. مه زنى قوره شيان نه بو سوفيان، زه نګينترين بازارگان نه بوبه کر، کوچبه رى ئيرانى سه لمانى فارسى و نه فريقيی به نده بيلالى کورى ره باحی بوونه براپن نيک د خيزانا کومه لگه ها موسلماناندا.

پيځه مبهري(ﷺ) گازيا هندى دکر کو ره فته ره کا باش دگهل که سوکارپن خو بکه ن:

زه يدى کورى نه رقه می قه دگو هيژيت کو پيځه مبهري(ﷺ) روژه کی يی لسه ر پيا بوو دگهل مه داکو خودبه کی بومه بخوينيت، نه وی(ﷺ) شيرت له کر و بيرا مه نيا و گوت: "گه لی خه لکی نه ز بتنى مرو ف که م و دبیت دهمی نامه يا خودايی من يا نيژیک دبیت(دى مريت)، نه ز دى دوو تشتين گران بو هه وه هيلم نيک قورئان کو دى پيکه اتيه ژ هيدايت و رونا هيی، هه ر که سى پيځه به يته گریدان دى لسه ر هيدايتى بيت، و سه ردا ناچيت. و هه روه سا بنه مالامن(خيزان و که سوکار)، چافى هه وه ل خيزان و که سوکارپن من بيت (سى جارا نه ف گوتنه دوو باره کر). "نه بوبه رکرى دگوت: "چافى هه وه ل

خیزانا موحه مەدی(ﷺ) بیت. <sup>1</sup>" ئبن حەجەرى دەربارەى قى چەندى دىبىژىت: "رامانا وى ئانكو وان نازار نەدەن و رەفتارەكا خراب دگەل وان نەكەن. <sup>2</sup>"

پىغەمبەرى(ﷺ) سەرەدانا گورى دەيكاخۇ دكر و دكرە گرى:

ئەبو ھورەيرە فەدگوهىزىت پىغەمبەر(ﷺ) قەستا گورى دەيكا خۇ كر و كرە گرى و وەل يىن دەوروپەرىن خوژى كر بكنەگرى. پىغەمبەرى(ﷺ) گوت: "من داخواز ژ خودى كر كو ريكى بدەتە من كو داخوازا گونەھ ژيبرنى بۇ بكنەم، بەلى وى ريك نەدامن. پاش من داخواز ژيكر بچمە سەر گورى وى، وى ريك دامن. فيجا ھوينژى سەرەدانا گزران بكنە ئەو بىرا مروقى و مرنى دئىنن. <sup>3</sup>" و ئەو ئەگەرى پىغەمبەر(ﷺ) گراندى ژبەر وى خەمى بوو كو دەيكاوى نە گەھشتە دەمى وى دا باوەرى پى بينيت.

ئەو(ﷺ) يى ب پەروش بوو ب گازىكرنا كەسوكارىن خۇ بۇ ئىسلامى:

ئەبوھورەيرە دىبىژىت پىغەمبەر(ﷺ) رابوفە لدەمى ئەف ئايەتە ھاتىيە خوار(وَأَنْذِرْ عَشِيرَتَكَ الْأَقْرَبِينَ) ئانكو: وتو وان يىن نيزىكر بۆتە ژ مللەتى تە ژ عەزابا مە بترسىنە، كو ب سەر وان دا بەيت. <sup>4</sup>" پىغەمبەرى(ﷺ) گوت: گەلى قورەيشيان خو ب پارىژن، ھندىكە ئەزم ئەز نەشىم بۇ ھەو ە چ بكنەم كو ھەو ە ب پارىژم ژ خودى، ئەى زاروكين عبدالمنافى ئەز نەشىم بۇ ھەو ە چ بكنەم كو ھەو ە ب پارىژم ژ خودى، يا عەباسى كورى عبدالموتەلبى ئەز نەشىم تە ب پارىژم ژ خودى، ئەى سافيا مەتا پىغەمبەرى خودى ئەز نەشىم بوتە چبكنەم گوت ە ب پارىژم ژ عەزابا خودى. ئەى فاتىما كچا پىغەمبەرى تە چ ژ مالى من بقتى بخۇ داخواز بكنە بەس ئەز نەشىم بوتە تىشتەكى بكنە مكو تە ب پارىژم ژ خودى. <sup>5</sup>" نەوھوى دىبىژىت: "رامانا قى ئەو ە داکو ئەو پىشتا خۇ ب پەيوەندىا خزمانى دگەل پىغەمبەرى گرینەدەن، ئەو نەشىت وان ب پارىژىت ژ ھەر زىانەكا خودى برىار لسەر دابيت."

<sup>1</sup> سەھىح بوخارى(3713)

<sup>2</sup> فەتھ ئەلبارى(79/7)

<sup>3</sup> سەھىح موسلم(976)

<sup>4</sup> تەفسىرا ب سانانى

<sup>5</sup> سەھىح بوخارى(2753) و سەھىح موسلم(206)

## پيغهمبهري(ﷺ) ناموژگارييا مامي خو عهباسي وهرگرت:

عبداللهي كوري عهباسي دبيژيت: عهباس دگهل ئهبو سوفيانى هاتنه دهف پيغهمبهري(ﷺ) ل سالا  
فه كرنا مهككههي، و ئهبو سوفيان موسلمان ببو، ل جههكي نيزيكي مهككههي ئبن عهباسي گوت: يا  
پيغهمبهري خودي، ئهبو سوفيان كهسهكه چهز ژ شانازي و قهدر و قيمهتيي دكته، دي شئي تشتهكي  
كهيه ددهستي دا؟ پيغهمبهري(ﷺ) گوت: بهلي، ههر كهسي بجيته دمالا ئهبو سوفيانى فه يي پاراستي  
يه، و ههر كهسي دهرگههي خو بگريتي ي پاراستي يه.<sup>1</sup>

## ئهگر كهسهكي گونهههك كريا پيغهمبهري(ﷺ) ئهو دراوستاند:

عبداللهي كوري عهباسي دبيژيت فازل(پسمامي پيغهمبهري) ل پشت پيغهمبهري(ﷺ) دهات، پاش  
ژنهكا ژ هوزا خهزعهم هات و فازلي سكره وي ژني، وي ژني زي سكره وي. پاش پيغهمبهري(ﷺ)  
زقري و بهري وي ژ وي ژني وهرگيرا. وي ژني گوت: يا پيغهمبهري خودي دهمي چهجي هات و بابي  
من يي د ژيهكي مهزندا، دروسته نهز پيش ويقه چهجي بكهم؟ پيغهمبهري(ﷺ) گوت: بهلي، دروسته.  
ئهفه لدهمي چهجا خواترخواستني بوو.<sup>2</sup>

## پيغهمبهري(ﷺ) دوعا بو كهسوكارين خو دكرن:

پيغهمبهري(ﷺ) دوعا بو عهباسي و زاروكين وي دكر. ئبن عهباس فهديريت: "پيغهمبهري(ﷺ) گوته  
عهباسي: سوباھي دووشه مبي تو و زاروكين خو وهرنه دهفمن، دا نهز بوته و وان دوعابكه، ل روژا  
پاشتر ئهم هاتين، پيغهمبهري(ﷺ) ئهف دوعايه بومه كر: يا خودي تو ل عهباسي و زاروكين وي ببوري  
و گونههين وان يين فهشارتي و ئاشكهرا ب غهفريني. تو ل وان ببوري ههروهكي وان چ گونهه نهي،  
يا خودي تو وي و زاروكين وي ب پاريزي.<sup>3</sup>

<sup>1</sup> ئهبو داود(3031)

<sup>2</sup> سهحيح بوخاري(1513)

<sup>3</sup> ترمزي(2762)

پيغهمبهرى(ﷺ) سهره دانا وان دكر لدمى ئهو دنه خوش:

هه فزينا عه باسى ئوم الفازل فه دگوهي زيت پيغهمبهرى(ﷺ) سهره دانا عه باسى كر لدمى ئهو وي  
نه خوش، كو وي جاخوازا مرنى كربوو ژ بهر نه خوشيا خو، پيغهمبهرى(ﷺ) گوتى: ئهى عه باس، ئهى  
مامى پيغهمبهرى خودى داخوازا مرنى نه كه. ئه گهر تو كه سه كى باشى، تو دشىي كارين باشتر بكه  
و ئه فه بوته بخيرتره، و ئه گهر تويى خراب بى، دى ته شه نسه ك هه بيت تو بشيى داخوازا گونه ه  
ژيبرنى ژ خودى بكه و ئه فه بوته بخيرتره. فيجا داخوازا مرنى نه كه.<sup>1</sup>

پيغهمبهر(ﷺ) يى سهر كه فتى بوو ب ده ستقه ئينانا دلاندا ژلايى هه مى كه سانقه لسهرانسهرى جيهانى  
بگشتى و ل گزيرتا عه رهبى ب تايبه ت. و ئهو شيا ب باشترين شيوه و ب سهر كه فتiane په ياما  
ئيسلامى بگه هينته جيهانى هه ميه چونكو وي ره وشته كى جوان هه بوو و سهر كرده كى ژيهاتى و  
خودان شيان بوو. لدوماهيه ئه گهر ئه م ب رژدى هه ز ژ پيغهمبهرى(ﷺ) بكه ين وه كى سه حابيان و  
لديف ريكاوى بچين، دى خودى ژى هه زژه كه ت و دى ژوان كه سان بين يين نيژيكى وي ل روژا  
قيامه تى(خودى ب رسقى مه بكه ت).

ژيدير:

1- كتيب: How he treated them

2- سايتى: <https://sunnah.com>

3- ته فسي را ب ساناهى